

Rôz we strzodã, we Wejrowie  
Knapszcze chòdzy so pò parkù  
Narôz ùzdrzôł, co pò trôwie  
Jedna trãpce jak w rozwarkù...

Wszëtkò swòje mia na môlu  
Knòpù zrobiło sã miło  
Rôd bë jã do chëczë halôł...  
Mòże kawã, mòże piwo...

Kino mòże a mùzeùm  
Leno niech mù bãdze zëcznô –  
Miasta pól òbkòlãdëjã  
Òdprowadzy jã bezpiecno –

Przed dzesãtã ju mdze w łózkù,  
Czej bë wstajac mùsza reno.  
Mòże zajimną sã ksążką...  
Mòże bãdze z tegò chemia...

Rëgnãlë szpacérkã wòlno  
Szlachama Kaszëbszczëch Nótów.  
Pòznelë sã wnetkã bëlno  
Jak dwa łësé i bez bótów...

Kùpił ji kòl Wentë sznëkã  
Jidã, gòdajã ò wszëtczim  
Pól dnia jima chižo znëka  
Òn rozestac sã z nią nie chcôł...

I prowadzy jã, dze mieszkò  
Trzeci pszãter, w jednym blokù  
A tu jaczés szandarzëskò  
Skłódkòwało natëchstopach

I pakùje knòpka w sòdzã  
Za kradëlstwò kòmùs kònia (?!)  
Bëło tak, wcale nie stożã!  
W radio ò tim głosno zwònia...

Co za lëdze! Nie potrafiã  
Zrozmiòc pròwdzëwi miłotë!  
Zôs pògòrcha na parafii  
Pòmstwiska za sztërë złoté...

Bez ten wërwas, donna Basza

Pòbłãdzonô pò wsë gònia  
Òdkąd przecygna do miasta –  
Tak ji nicht nie zrobił w konia...!

Tómk Fópka, Wejrowò, 22 gromicznika 2024 rokù, gòdz. 15.50

Źródło informacji: [https://radiogdansk.pl/wiadomosci/region/kaszuby/2024/02/21/czy-mozna-mieszkac-z-koniem-w-bloku-nie-mozna-ale-19-latek-z-wejherowa-bardzo-chcial/?fbclid=IwAR2yLljAn4UgMXVKilTYCapLbNcBdvdmKhpWlJ834-E6wJbL-pKfu\\_hoNM](https://radiogdansk.pl/wiadomosci/region/kaszuby/2024/02/21/czy-mozna-mieszkac-z-koniem-w-bloku-nie-mozna-ale-19-latek-z-wejherowa-bardzo-chcial/?fbclid=IwAR2yLljAn4UgMXVKilTYCapLbNcBdvdmKhpWlJ834-E6wJbL-pKfu_hoNM)